



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 六八二

好雲樓初集二十八卷首一卷好雲樓二集十六卷首一卷

附臨川答問一卷 李聯琇撰

一

漁浦草堂詩集四卷附補遺一卷漁浦草堂詩餘二卷（影香詞

一卷雪煩詞一卷） 張道撰

三九三

蜀遊草一卷 丁紹周撰

四六一

浮玉山房賦鈔一卷附浮玉山房試帖一卷 丁紹周撰

四八一

通齋集五卷垂金蔭綠軒詩鈔二卷圃珖巖館詩鈔四卷通齋文集二卷通齋

遺藁一卷通齋外集一卷附蔣繼伯撰曉瀛遺稿二卷 蔣超伯撰

五三七

趙忠節公遺墨一卷 趙景賢撰

七三九

咸豐十一年鐫

好雲樓初集

恩表堂藏板

好雲樓初集

好雲樓主人四十二歲小像

琴川胡駿聲寫



鰲根曹世國珎迦葉相再束身輝
蒙讀舍旁辛酉前賦摩香雲英
蕩以玉士氣伸臨川之筆光嶙
峴學一哀古詞必新行百鑪翰咸
心神我見雖晚慕匪今從
公海上咸連琴

錫山錢雨謹題



後有徒杜者爲李氏周靈王後有東平陽爲李氏者而過史補
姓又有澤底李今其後皆不可考傳者趙郡隴西同縣少昊若
夫唐後唐南唐所賜李姓生超一名仇字仁高爲漢大將軍漁
姓本非支並不得亂也

陽太守超生子二曰元曠仲翔元曠爲侍中仲翔爲河東太守
征西將軍討叛羌於秦昌戰沒贈太尉葬隴西狄道東川因家
焉生伯考爲隴西河東二郡太守伯考生尙爲成紀令因居成
紀弟尙范陽房始祖也

范陽房未詳與唐李出世系表所謂范陽李氏自云常山愍王之後者無涉

尙生廣爲隴西北地雁門代郡雲中太守前將軍歷文景武三
世立功沙漠廣生子三曰當戶椒敢當戶之子陵降匈奴其裔
歸魏賜氏曰丙及唐高祖復賜姓曰李焉敢字幼卿以戰功爲
關內侯代廣爲郎中令生禹字子通爲侍中弟忠頓邱房始祖
也禹生丞公字丞公爲河南太守丞公生先字敬宗爲蜀郡北
平太守先生長宗字伯禮爲漁陽丞長宗生君况字叔千一字

子期爲博士議郎大中大夫君况生本字上明爲郎中侍御史
本生次公字仲君爲巴郡太守西夷校尉弟恬渤海房始祖也
次公生軌字文逸爲魏臨淮太守司農卿弟潛申公房始祖也
軌生隆字彥緒爲長安令積弩將軍隆生父字世績爲晉驍騎
將軍魏郡太守父艾生雍字儁熙爲濟北東莞太守雍生子二曰
倫柔倫丹楊房始祖也雍孫蓋安邑房始祖也柔字德遠爲北
地太守生弇字季子爲涼張駿天水太守武衛將軍安西亭侯
唐追諡景公弇生昶字仲堅爲涼太子侍講唐追諡簡公昶生
高字元盛小字長生晉末據沙州稱涼是曰西涼爲武昭王唐
追尊興聖皇帝生子十曰諱歆讓情恂翻豫安眺亮愔鎮遠將
軍房始祖也其曾孫系平涼房始祖也翻孫三曰承姑臧房始
祖也曰茂燉煌房始祖也曰冲僕射房始祖也曾孫成禮終郡

好雲樓初集

房始祖也豫元孫剛武陽房始祖也按丹楊姑臧敬皇武陽四房俱見唐宰相世系表而宗室世系表誤武陽爲武陵敬字士業爲涼後主滅於沮渠蒙遜生子八曰勛紹重耳宏之崇明崇達崇庸崇祜重耳字景順奔宋爲汝南太守後魏克豫州以地歸之拜宏農太守復爲宋將薛安都所陷爲後魏安南將軍豫州刺史生熙字孟良爲後魏金門鎮將戍於武川因家焉唐追尊獻祖宣皇帝熙生天賜字德真爲幢主唐追尊懿祖光皇帝天賜生子三曰起頭虎乞豆起頭于達摩其後無聞乞豆定州刺史房也虎字文彬西魏賜姓大野氏爲太尉佐周代魏有功爲柱國家周閔帝受禪虎已卒追封唐國公諡曰襄唐追尊太祖景皇帝生子八曰延伯真高瑋高瑋禱蔚亮延伯南陽公房也真諱王房也瑋畢王房也繪雍王房也禪郇王房也蔚蔡王房也亮大鄭王房也高襲封唐公爲隋安好雲樓初集

州總管柱國大將軍諡曰仁唐追尊代祖元皇帝生子四曰淵
 澄湛洪澄梁王房也湛蜀王房也洪爲漢王其後未聞淵字叔
 德代隋有天下爲唐高祖諡曰神堯大聖大光孝皇帝葬獻陵
 生子二十二曰建成世民元霸元古智雲元景元昌元亨元方
 元禮元嘉元則元懿元軌鳳元慶元裕元名靈夔元祥元曉元
 嬰建成爲太子元吉爲巢王子皆坐誅元霸爲衛王智雲爲楚
 王元景爲荆王元昌爲漢王元亨爲鄴王元方爲周王皆無後
 元禮徐王房也元嘉韓王房也元則彭王房也元懿小鄭王房
 也元軌霍王房也鳳虢王房也元慶道王房也元裕鄧王房也
 元名舒王房也靈夔魯王房也元祥江王房也元曉密王房也
 元夔滕王房也世民佐高祖除隋亂繼位是爲太宗諡曰文增
 諡曰文武大聖大廣孝皇帝葬昭陵生子十四曰承乾寬恪泰

祐情惓貞治慎鄧簡福明治繼位是為高宗承乾由太子廢為庶人開元中贈復恆山王寬為楚王出嗣元景恪吳王房也泰漢王房也情蜀王房也惓將王房也貞越王房也慎紀王房也祐封齊貶為庶人死嗣為江王簡為代王福為趙王皆無後明為曹王出嗣巢王元吉陪葬昭陵生子四曰俊傑備思傳稱曹俊傑備而表列曹王子俊傑備思四人傳於備云備尉少卿同正員表於俊傑備少卿同正員是俊即備也或表誤歟抑名數見於傳誤傳正表不作俊俊嗣王為南州別駕傑為黎國公武后時並誅中宗時以傑子允嗣王後停允封而封備備為衛尉少卿同正員元宗時復封允允生戢嗣王為右衛率府中郎將戢生皋字子蘭嗣王為戶部尚書事母鄭太妃以孝聞觀察湖南時單騎造王國良壘受其降節度江西時討李希烈大小三十二戰凡下五州十九縣節度荆南時朝廷仰食江淮

好雲樓初集

卷首

五

皋轉戰數千里通餉道江淮倚為固徙鎮山南東道練兵峙糧市馬教戰吳少誠畏之不敢動薨年六十贈尚書右僕射諡曰威韓愈撰墓誌墓今在進賢縣西五十一里思為左武衛大將軍生昌昌生訓訓生子二曰挺呢呢生子二曰晟晟生子三曰矜矜故致生子五曰嚴崇崇崧崧崇生於僖宗乾符二年舉昭宗大順元年進士除知益州孔目景福二年除荊州刺史乾甯元年調豫章刺史三年卒年二十二配趙氏合葬新建縣至德觀生米山之陽唐末有由臨川遷豐城正信鄉新城里之湖茫曰勝者相傳為崇後或曰皋後夫以皋鎮豫章崇亦宦此又皆葬於此其子若弟流派於此固然無足怪而唐宗室表於皋之後則其子孫兩世於崇列其子逢及崇兄弟兄弟之子皆不及勝豈勝又在其後不逮所列歟抑非其系賊或表弟舉其可

知者而有遺歟蓋際易代之亂流徙無常載籍闕如也吾族於今日將探本而為之圖系斷自勝始勝之先無從遙接然要之為曹王明之裔無疑也勝生訢訢生孜孜生子三曰熙從貴熙遷新建貴出贅石坑葛氏從字百順友悌化鄉黨勤講學多貴濟人急貧不能償征課者代之輸有寇謀劫其貲束火箭於垣將射忽聞屋上呼曰備水寇周視實無人怪而退以告人謂有神祐而其家初不知也生於五代晉天福二年歿於宋天聖三年年八十九葬棲龍山羅節銘其墓配張氏生益早世繼配黃氏生子三曰珪琬琬析居小塘皇祐中以子秉官贈都官郎中珪析居大陂以子官贈祕書省校書郎配萬氏生子三曰仲詢仲諫仲交仲詢為金谿尉仲交字子遇為蘄春縣主簿配劉氏生子二曰愈榮愈字景韓號退庵配萬氏生子三曰博時國

好雲樓初集

卷首

六

時美博字之南舉進士為湖南運幹配羅氏生子二曰公商公習公裔配詹氏生子二曰晞白晞顏顏配徐氏生穎字克齋以子官封承務郎晉贈修職郎葬五十二都山巷口配傅氏生居信號松江自豐城湖茫遷臨川北鄉之楊溪楊溪乃白沙相國吳長卿別院長卿以幼女妻居信館甥於此居信遂為楊溪始祖舉寶祐元年進士為新昌華亭知縣監壽昌軍復監戶部大軍倉大軍倉駐鄂州時襄樊陷戰守征調轉輸無虛日糧匱軍饑檄郡縣十無一二應與執政論餉書不勝悲憤病歸卒於家葬檀塘配吳氏葬新塘生惟清繼配曾氏生子二曰惟澄惟源惟澄咸淳進士官承議郎析居郡城北惟清號常溪葬泉嶺配吳氏葬盛家坊生子五曰和用俊用賢用利用明用和用元延祐中進士為清遠副使明用字子德配吳氏合葬祠後生子

二曰孟仁孟裕孟仁號仁山配章氏繼配王氏合葬祠後生子
二曰思誠思恭思恭號耕隱配何氏繼配饒氏合葬筭箕塘生
忠字德貞號筠軒精青烏之術與劉基往來辨論互相資益基
推服自嘆弗如游新安有李半仙之號著地理前後五十段等
書行世遷葬始祖於本鄉三里內楊溪一水環宅東南地脈從
西來宅西向以迎生氣皆所相建後有改而東者輒召禍獨所
建祠迄今四百八十年經兵燹猶存椽木雖舊子孫但扶葺之
而不敢更造也置學田贍族勸學以忠厚勤儉訓後易簣時諄
諄惟此生於明洪武十五年歿於天順三年七十八配鄭氏
合葬江頭山生子三曰崇簡崇瑛崇華崇華徙籍湖北鍾祥縣
我

朝有乾隆辛卯進士官至侍郎曰漢者其後也崇瑛字愛竹生
好雲樓初集

卷首

七

於永樂八年沒於成化十九年年七十四葬江頭山配趙氏年
八十二葬筭箕塘生子三曰顯興勝勝字仕達號素菴府學廩
生生於正統四年歿於成化十七年年四十三配萬氏年四十
合葬祠後生浩字守素生於宏治七年歿於嘉靖三十一年年
五十九配萬氏年七十四合葬祠後生櫛字世芳號繼菴生於
正德四年歿於嘉靖十八年年三十一配袁氏年八十九合葬
鄭家坊生益字文謙號成素生於嘉靖十一年歿於萬曆十九
年年六十配廖氏年七十五合葬鄭家坊生子三曰一開和一
一陽一和字儀冲號東柳以子官贈文林郎生於嘉靖三十六
年歿於萬曆四十年年九十六配萬氏年四十八合葬鄭家坊
繼配章氏元配生子二曰國禮國楨國楨字仲將號六符天啟
丁卯舉人崇禎六年署浙江壽昌縣教諭課士有聲值縣令釀

民變得國楨勸解始息後更令至遂相倚重凡興作獄訟疑難
必與商然毫不借溫於令有以賄干者輒屏絕九年遷湖廣東
陽縣知縣山僻瘠瘠不易治國楨至則煩劇者解黠悍者馴縣
中輸銀赴司向有起解規費糧里以進驚曰讀書作吏不能自
淨其肺肝而冒此無名之供以賤吾民父母民者劫奪民者也
於是悉詢之而悉革之歲約二千餘兩詳請勒石以戒其後時
張獻忠寇襄陽羣盜竄起採礦之徒嘗嘯聚於未所界之臨武
藍山歲歲聯數十艘往洞庭行劫而未當其衝國楨甫蒞七月
報者曰上堡市有賊數千據船數百將發矣上堡據未上游去
城五十里山水迅發須臾可至合城皇皇國楨誓以死守次早
旗鼓揚揚過城下國楨率眾登陴觀有荷役懷一小帽進請易
之厲聲呵止衣冠如常五日聞湘潭破七日衡山破轉指衡州

卷首

八

爲桂蒲封域道府懼駭王居以鐵索繫木障橫江截之賊船不
得上仍入耒河河口至縣水程迂折三百里國楨適抱重病力
起決策西鄉淘砂民王謝兩姓巨族也賊常憚其強即捐金五
百募之守城三檄不至借諸生徒步詣其地動以忠義乃感激
棄家而來得驍銳千人復募龍李二姓射虎手數百合城中壯
丁能戰者約三千餘人賊挽舟逆溯七日尚未至城而城中兵
具已整氣已奮矣賊挾湘衡重資聞未有備距城十里卽棄舟
抄陸徑趨去因追殺至甯市賊敗溺河死者無算斬級若干生
擒二十餘人親解送道府持其手謂曰賊來吾未爾援非
果忍爾未爲沼也以親藩震懼衡兵少弱不敢出半步卽出亦
無濟於未吾以爲耒一拳城已矣今若此豈天全耶國楨具述
方略桂藩與撫軍疏聞錄功發內金彩紅來獎復以五百金令

招兵五百入護嗣是賊微日熾長榔衝承之屬驍驍無餘然兩
薄未城七經未境獨不敢侵我且衡藩猶藉未兵之力以安邑
人爲建生祠於城北其時湖南乏顯紳令長外更無爲民陳疾
苦者上官差出員役及藩遣官尉屬民成錮習令長又懼其慘
已短長崇不敢言國樞概以法束之不稍縱舉望未如畏塗同
官如分守曾纓承司李萬元吉皆當時碩彥悉國樞治狀與爲
莫逆恆翦燭談至雞唱勿倦所言事灼然知幾後此數年世界
未有之厄君父莫大之憂早在深識隱慮中矣由是精力耗竭
權疾面黃如蠟水漿羶腥不入口者期年數乞休不允迫聞繼
母訃然後得歸十二年己卯秋也庚辰辛巳兩載吾鄉大饑乞
食填戶惻然曰天災流行一家獨飽可乎卽身先家人飲薄餉
日節米斗二升與戶外貧者服闋或登輿出仕應曰余燠灼已
好雲樓初集 卷首 九

嘗願處清淨無宦情一也強項難下曲媚不工無宦骨二也士
品小臣事權不屬不能仰抒宵旰無宦能三也有此三者可以
隱矣繼以戚友交勸族昆有司李潤州者遂爲脂秣以贊行色
不得已就道十五年補福建順昌縣知縣順俗刁悍輕死多大
猾前令狼狽去國楨至一反所爲又遭大旱自杭州至福州赤
地數千里因徒步宿壇虔禱大雨立沛他境非其治者亢晴如
故紳士異之作喜雨詩數百章踰年病卒於官民哀號如其親
暉前夕有夢幢幡簇迎邵武城隍者緋衣人乃令也在未三年
未嘗擬一大辟雪枉獄而生之者二人嘗舉以爲生平居官之
幸在順一年未嘗一用大刑遇有控人命者每私祝曰惟願彼
係圖賴若眞也王章只在爲之奈何訊得其僞退食之餘意乃
釋在鄧有廉潔具地者秀已成閭之貢家人曰彼房子孫衆乘

其急而利之是攘之也人謀過敏必有鬼神立命御之生平無
嘖怒容事紛不獲事大不恆豪者不能劫以氣媚者不能干以
私生於萬歷十五年歿於崇禎十六年年五十七我
朝順治十八年入祀湖廣名宦本籍鄉賢詳通志縣志配桂氏
順治五年

王師下豫章土寇掠野溺於復興菴之溪水年六十七合葬進
賢縣天堂嶺生子五曰曰濬曰濬曰津曰澍曰澍曰澍皆
縣學生曰濬字亦白號筆語少有志操內行孝謹崇禎十六年
隨侍順昌聞弟曰津病急歸視湯藥晝夜不離其榻漏殘坐守
未嘗解衣帶病卒不起徵齋之夜忽接報父得喘疾卽買健馬
星馳六日半至任所見症入膏肓偏禱靈祠願減算延父值張
獻忠寇長沙衡永等處至於吉州震動吁藩延平道鎮督閩師
好雲樓初集 卷首 十

萬餘守杉關道經順昌供應口糧事夥如麻日代批答至千百
手不能息及遭大故皇皇計喪具先辦遣兩幼弟奉母登舟避
地白督錢糧冊及官家未了諸務凡十一日皆畢讀書通衆流
百家之言與同里章世純羅萬藻友爲文幽潔深達有借刻大
力稿中者既而避亂宜黃縣戴溪山中志意蘊憤著筆語集十
五卷明天人究物理其思深其言哀故明縣學廩生鼎革後屢
徵不起滇落吳三桂未叛時聞其名以禮來聘適游楚楚中大
吏促裝勸駕峻拒之事具同族來奉所著傳略筆語集奉
禁不彰有竹裕園制義行世新化鄧應鶴爲之傳曰後漢書序
列王充王符仲長統之徒以爲足繼西京賈董劉揚而蔚宗論
贊猶以爲舉蹻自理滯隅則失吾觀筆語氏所著殆近論衡潛
夫昌言諸篇然其旨優於三子矣竊伏明委甘是堙燬其諸周

憂徐群中屠蠅之流亞歐生於萬曆三十七年沒於康熙七年
年六十葬進賢縣閭里山配吳氏年失載葬誠家園繼配張氏
年九十側室翁氏年七十三但耐葬閭里山周氏年七十四葬
石墳山子二翁氏生枝芳周氏生標芳枝芳康熙庚午舉人德
安縣教諭載選知縣標芳字建來縣學生生於康熙二年歿於
四十六年年四十五葬港西柘塘岡配劉氏年二十三葬石墳
山繼配表氏年失載葬誠家園元配生燕側室朱氏生熙燕字
常居以孫官贈浙江金衢嚴道曾孫官晉贈工部左侍郎生於
康熙二十二年歿於雍正四年年四十四葬傳家墳配表氏年
二十六葬柘岡山生宜民字丹臣號厚齋七歲失恃隨父依外
祖喪化寓廣豐訓導署中讀書二十三歲父沒見外家薄宦不
支歸營葬畢售故宅得八十緡挾以行賈湖南輒不利賞耗盡

好雲樓初集

七

轉而之廣西桂林一傘一被質買無所止恆宿肆檐下見有業
初轍者榜江西表氏意為母黨詢之果舅行表夜夢黑虎卧其
鋪首晨起見宜民息於是異之留與居傭書自給書法董其昌
素工求者衆積有薄蓄聞太平各土司境販桂得值借五人往
至則病瘴皆卧且死夜半若有蹠之者曰起起飲水當愈遂匍
匐覓飲盡數器果愈而五人竟死爰傾已貲一一殮之且為舉
腐歸桂林而質又盡博白令李某愛宜民書延諸幕同事駱廷
槐有姑未字謂宜民有義行請於祖母以姑歸焉時宜民年三
十一矣雍正末古州苗弗靖大帥督兵致討設軍需局於粵南
南同知宋某延宜民佐理忠於其事然諸信義重一時粵之鹽
政自雍正元年裁商歸官運各屬皆有釐務於是北流奉議諸
處延宜民為之勾當轉運他郡多失事獨所勾當無侵盜風水

之患乾隆庚午辛未間桂林太平柳州鎮安潯州五府爭延致
之為設公舍於梧因家焉已而辭歸途遇所善太平郡丞某顏
色慘沮詰之泣然曰僕權某縣時因公挪移庫金八千為新任
所揭行將參革監追身家不保矣宜民曰吾囊金及衣飾等物
盡出之可符此數君可將去母戚戚承曰君艱瘁半生所得今
舍己為我一人計我何安曰無傷也我無此可圖再舉君無此
則身陷不測有不忍言者矣我又何安竟委金於丞而質又盡
不能歸仍游粵戊寅清查兩廣鹽政大府懲官銷之弊奏請招
商然積弊已深無敢應者久之得十餘人僉以宜民熟諳此可
任總理上官亦屬意而某承事解得起用時為粵中當事慨然
貸數萬金俾作資本宜民遂移家桂林董其事綜覈有條貫宿
弊盡剔引乃暢銷大府又奏加引額視官運多至倍諸商畏縮

好雲樓初集

七

皆謝去遂獨任焉而釐務日見起色家亦日饒顧刻苦如貧時
惟好施濟嘗曰物聚必散天道然也且物之聚怨之叢也苟不
以善散必有非理以散之者矣於是葺祖祠置義田構書塾修
公所歲寄族姓銀輒僂指計曰某若干某若干某廢也某孤也
多子之歲歉倍予之戚黨故舊有婚嫁不能舉者代之舉不能
謀生者月給薪米待以舉火者數十家囊所蓄宅贖之歸又置
田宅傍為他日歸耕計旋聞從叔某家貧口衆悉舉田宅畀之
族有無屋以居者為之創建歲終必施給孤貧間有度歲不能
舉藥者素不與議託人宛轉通意以資之曰人何可歲首絕放
買婢留其無家可歸者若父母不忍舍或詢有夫家皆折券還
之不索值甲戌梧大疫道殣相枕藉買棺收殮由是歲以為常
桂林虞山廟開元閣向停旅櫬有吏數十年無主而棺朽敗者

告當事而登之立石標記恐猶有子姓訪求也嘗登桂林府學或疑將占籍既而子孫赴本籍試人益稱焉文昌門外橋圯十餘年矣春夏水漲病徒涉不以其非吾土也出鉅金獨力建之復建華嚴菴修萬壽寺曰吾非求福聊復古蹟云爾舊勞早衰六旬後鯢齒忽生顏返少貢生以子官封中憲大夫孫官贈光祿大夫生於康熙四十四年歿於嘉慶三年年九十五葬官田驢嶺配駱氏年七十二葬楓樹嶺側室戴氏年九十八葬桂林城外徐氏年八十三葬省治撫州門外子八戴氏生秉仁正配生秉禮徐氏生秉容秉鉞秉銓秉綬秉文秉爲秉睿爲戶部員外郎秉鉞爲福建汀漳龍道秉銓爲浙江金衢嚴道秉綬爲工部郎中秉文爲郎中未分部秉爲爲鹽運司連同秉仁字長入太學生以子官贈光祿大夫生於乾隆九年歿於二十八年年好雲樓初集

卷首

三

二十葬蒼梧縣冰井寺配駱氏生宗誠二十五歲寡遺孤旋殤一夕夢宗誠至曰兒歸矣適秉禮生宗瀚請於舅姑撫爲嗣宗瀚貴上母節孝於

朝賜坊旌表生於乾隆四年歿於嘉慶六年年六十三葬柴埠秉禮字敬之號松甫多聞好善胸次超曠爲刑部江蘇司郎中供職未幾卽返桂林養親不出尤尚名義不問生產父沒舉先業讓之諸弟一無所取篤嗜詩詩專注一途而造其至根柢於陶淵淵於章出入於三謝及夫王孟儲柳非性所近者不涉也爰標百題名其齋曰韋廬廬前有丈石麟岫曰韋石錢塘袁枚游桂林與爲詩友又因袁交高密李憲喬憲喬爲刺史於粵來輒下榻論詩久而益契因名所止曰棲鶴樓以憲喬字少鶴也憲喬謂詩須有安身立命處獨賞韋廬詩遂篇論定爲之序跋

并以寄其兄懷民評陽及憲喬沒於永福任所爲了官欠不計周其家屬舉體歸高密而於詩有絕絃輟斤之感因編其所論定者爲內集四卷未論定者爲外集四卷又有賸稿一卷蠶餘草一卷憲喬曰詩自宋王狎盟以來吮毫之子爭以雕繪爲工矯施相尚風格浸以頹廢較之雲間歷下竟陵公安餘習又不知齊楚孰得失也吾家松甫比部所爲詩閒澹澄瑩空洞幽實頓使江左清綺灑然改觀故僕於近日詩人中推松甫爲南宗之慧能諸上座皆當類首又曰其情至處隨園能賞之格高處隨園不能賞也以子官封光祿大夫生於乾隆十三年歿於道光十年年八十三葬桂林城外配曹氏年六十六葬柴埠繼配劉氏本側室以子貴封夫人曹夫人歿進爲正室年六十五葬桂林城南大教場子九元配生明珠繼配生宗瀚宗瀚美珠宗

卷首

四

潮宗沅側室何氏生掌珠陳氏生宗瀛喻氏生宗榮明珠美珠掌珠皆殤故皆乳名宗濤嘉慶庚申舉人內閣中書宗潮鹽運司提舉宗沅附貢生宗瀛太學生承先緒爲詩而派稍異瑰博秀逸不名一家所作殆萬首集尙未刻宗榮早世宗瀚字公博一字北溟號春湖乾隆壬子舉人癸丑進士改翰林院庶吉士六十年授編修恭逢

聖駕臨雍禮成集聖教序字九章謹序以進明年丙辰嘉慶改元恭賀

授受禮成正乾隆紀元周甲之歲集堯典舜典字擬班固典引謹序以進二年充

武英殿纂修三年大考二等第九名擢詹事府贊善充國史館協修四年充

實錄修纂進振文字尋擇侍讀轉左右庶子侍講學士充

日講起居注官五年典試福建取士抑華崇實所得皆宿儒時號老人穆六年丁母昭夫人憂十年入京補原官典武會試轉侍講學士十二年視學湖南振興黷剔不遺餘力在任晉太僕寺卿十五年報政入京遷宗人府府丞十七年丁本生嫡母旨夫人憂十九年入京補原官遷都察院左副都御史典武會試歷查左右翼總羅學左翼宗學二十年丁本生母劉夫人憂服闋即由本籍奏請終生祖母戴夫人養既奉

俞旨遂於寓籍桂林杉湖之濱購園曰拓園自稱拓園居士園有樓曰湖東樓園西築屋三間曰湖西莊手植花木日奉戴夫人及本生父章廬公徜徉其中有終焉之志二十四年詣

好雲樓初集

卷首

莊

闕恭祝

嘗廟六旬萬壽製五言古詩四章謹序以進道光三年戴夫人歿先是道光改元禮臣建議天下爲父後者爲生祖母終三年喪至四年部議仍改歸期服遂持期喪畢時章廬公步履方健有衆子四人而春湖府君以出繼例不得終養庭訓日促之出適於五年入京六年補原官八年晉工部左侍郎典試浙江得人最盛時起者多梁棟材試竣卽留視學士風丕振如在湖南時然植勞過甚風眩遂作自劾以攻苦病失血至是時發加之喘嗽十一年丁本生父憂聞訃絕而復甦迨扶病星奔就道三月初四日舟次衡州沈縣至於彌留惟以不與大事爲終天之憾長號而絕歿時以朝服進右臂備強不伸子聯珂泣請曰吾父以毀終今者意在禮服乎乃易衰麻爲裏具始仲臂就殮云

府君生平以忠厚爲本信義爲尚奔競爲恥盛滿爲懼讀書取自娛爲善不近名境豐而志約履夷而心危初章廬公以先業讓諸弟府君實贊成之亦以其應得之產讓諸父諸父年皆差等於府君小者且與聯珂齊年府君循循執猶子禮而自讓產後見諸父日增豪侈惟杜門卻軌暇輒與二三吟侶登山臨水以娛或乘輿獨游與樵牧雜坐其次遇者不知其爲京朝貴官也桂林嚴整奇秀捫厓而題詠盡偏矣嘗謂士大夫不幸生長富貴多財叢過宴安溺志又不幸少年科第志得意滿不務進修故通籍後益砥礪於學其爲副都御史時與同官爭某案於朝房抗論侃侃不見聽退而草疏將獨奏或告曰某御史聞公語於朝房將駁是案以入告而劾臺長矣公急奏自爲地也府君曰若然則吾且緩奏一二日吾特求其案之允耳非欲謝咎

好雲樓初集

卷首

末

同官以自明也其果言也吾與同官並罪何妨其不言也而吾言之未晚也御史果奏

旨下責臺官皆罰俸停升久之

嘗廟微聞其爭論事問何不早奏府君惟敏頭引咎而已其居明以晦卽此一事可推與人交坦衷誠懇延南昌徐學謙授子請長女方髻亦從讀焉徐賢之府君曰君賢之盍以爲子婦乎徐以苑枯非匹固戲言也笑而不答無何歿於館府君爲殯殮自桂林舉柩歸其籍未嘗見其子也約爲姻皆驚曰徐家亦貧胡以戲言而遽許之曰昔誠戲言今則不可食言食言於死者不祥竟以長女妻其子次女眇一目新途劉氏自遠貽書求婚初不知其眇也先告之故俟其諾而後諾焉其他多可述者子聯珂早孤不及見聞惟見

國史有傳且聞故老咸言春湖先生生平無一皺眉事又自憶孩提時府君詔曰有三言小子識之曰肯吃虧今述其略如此府君於書無所不窺詩法韓愈旁涉各家服膺李憲喬安身立命語在桂林與鄧顯鶴聯吟有杉湖酬唱詩略之刻遂止不作再出山後復多題贈游歷之篇因併前刻刪訂爲靜娛室偶存稿上下卷後復梓行顯鶴爲之行狀與跋書法在

本朝論者謂繼張照王澐而三少時澤筆趙董秀韻天成繼恐爲其所陶全善書先在捉筆得法因問古法於大興翁方綱乃改從撥鋒式撥鋒之體即鍾之古字非謂馬上翻覆也段玉裁云今人用撥鋒者皆係摹擬而平其底而中應其指以兩指聚其頂令其底平壓筆而移前此正捉筆如法到欲就者之謂也乃包世臣述書說謂東賢輩撥鋒之勢如善乘者由誤解撥鋒初改甚苦夜臥自帳頂繫繩下懸肘於空以平展其

好雲樓初集

卷首

七

勢作書欲全身力到肘不附几五指緊撮於管密持不通一縫而迴擊使指尖向胸指死而臂活指實而掌虛虛可容邪又可安杯置水於杯運掉而水不傾洵習之始不能成字久久純熟全易舊跡遂徧臨玩隋唐人書以上類晉賢而討源於漢隸無日不展帖揮毫末乃純法鍾王自開生面而於其中習世南最久主義之獨專嘉慶間在京與新城陳希祖俱擅書名而論書不與同謂陳書不先立牆壁終圓於董道光間都下目朝官之善書者有李郭何顧之稱謂府君及莆田郭尙先道州何凌漢吳縣顧純也然時俗云衡三家皆自愧非府君敵也蓋藏書畫名蹟精而且夥偶步至村塾見舊本借船帖亟購以歸故有借船帖不借人看之句又爲靜娛室八詠謂漢淳于長夏承碑隋丁道護書啟法寺碑唐虞世南書孔子廟堂碑魏栖梧書文瀾

好雲樓初集

卷首

六

律師碑乃文與可晚歲橫看李迪牧牛圖晏元獻銅雀瓦硯陸放翁硯也後得褚遂良書孟法師碑遂合啟法孔廟文瀾三碑都爲一篋世所稱靜娛室四寶是也謂之寶者當以寶字圖印印其端凡印寶字者皆絕無僅有及人間有數之本所藏名蹟之印寶字者不止四碑以四碑皆正楷祕妙故類而合之而夏承碑以漢隸不在此數其印寶字則一也嘗摹勒孔廟碑及歐陽詢書化度寺碑於石二本皆唐搨鈎刻又不爽銖黍爲虞歐洗出眞面藝林珍之生於乾隆三十四年歿於道光十一年年六十三葬南昌府西山龍潭配宋氏年七十二葬西山望城岡側室黃氏年七十四葬西山翼家壠向氏年二十四葬榮埠漆氏年三十六附葬龍潭子八正配生聯璧聯珂黃氏生聯璣柱生向氏生迎霜漆氏生聯聰聯瑤聯瑞迎霜柱生聯聰聯璣皆賜聯璧早世以弟聯瑤官地贈翰林院編修聯珂道光壬午舉人內閣中書聯璣太學生以弟官地贈翰林院庶吉士聯瑤字季瑩號小湖嘉慶二十五年生於桂林五歲返豫章六歲入都七歲就外傳多病讀二三過輒氣結不能出聲師授之經但默誦以其弱不敢督課而生母漆夫人訓之嚴呵撻不少假以故不好弄九歲赴杭州十二歲丁父憂返豫章奔馳廬廬讀十四歲猶茫然不曉文義漆夫人視之無壽顏十五歲學作時藝半篇詩六韻入不以告漆夫人將俟能爲全文時驟言之以博一快也一日漆夫人應舉某某幼能綴文以愧之將杖聯璣泣曰兒亦已勉爲之謂其誰愈怒使婦詢諸師知不誑仍誡之曰是正可愧汝父爲學院試童子時聯璣八九歲者滿堂吟迨暨挂新生時似汝之年而綴片者比比也汝猶以爲解乎卒杖之

癡騷不審母所以迫促之意且謂母愛妹而憎己也夜分寐乍醒漆夫人猶坐微聞其語曰是兒及今發筆尚未晚渠膽小面皮薄吾激厲之或有成吾非敢望其科甲繼乃父只他日以訓蒙糊口不流蕩爲吾羞足矣又曰是動筆已逾月吾日申言竟不言若他兒不知如何獻嬌於母矣以此度之必有成又嘆曰吾病不久人間矣家人人情如彼誰飲食之教誨之貌茲遺孽非天折則流蕩耳安得成又曰吾日間陽怒以撻之若知吾心憫乎明日當予好食以勞之因泣聯琇不覺亦失聲泣道光十四年春間事也六月二十六日漆夫人歿時聯琇妻陳氏持家既素有違言於漆夫人因疾聯琇謾譏罪過於母未夫八月屏居於園不令出入一老僕役焉月給千錢除兩餐外皆資之無師又無書園有塾兄子翊勛翊華讀書處也書六架

好雲樓初集

卷首

九

屏不羈夜無人居聯琇何僕餉聲作悄往竊書來小炷留燈青熒僅辨字欲卧自爪其面至皮破則痛而醒又繫髮於坐後之什物使頭植不得隱几而展誦焉將曉送書返然後寢年餘盡兩架書則爲詩以遺鬱一日送書爲僮見告於嫂陳陳以爲作賊可縛送官不則逐之出激母與兄怒幸終宥之於是命僮夜局塾屏加鎖焉復親造聯琇室接閱有無匿書聯琇詩多怨誹恐擾去致禍倉猝袖出投於池陳見室無物因取燭與案去而易以不適用者聯琇白是不博涉不常爲詩月節其費付僕購明人文稿讀之專攻舉業思良苦一藝或數日始脫稿十七歲兄命與其二子往拜南昌鄧夢舟爲師師論文主書理於明取歸有光徐方廣章世純於本朝取李光地方苞王步青聯琇篤信其言學爲文師大異之

好雲樓初集

每語人曰吾怖李氏子十年後吾當辟席但恐其早達不事此道耳由是聯琇漸知名錢唐許學士乃普視學江西世交也過訪兄值鄧師處評文來許索讀讀至聯琇文驚問兄曰是何人曰子弟君有弟子何未道及之也曰向幼年幾何矣曰十七試乎曰未也恐不堪試曰是大可試吾將科試臨川盡遣之試曰吾族聚臨川衆且橫難與近以故吾房胥由國學起舉不小試者數世矣公命如不能歸何曰然則亟爲之援例入國學俾應明年大比曰諾初聯琇在京父爲聘南豐趙氏外舅秉襄家於京迨父奉使浙江託其領俸至是兄寓書說其以所領銀爲增援例聯琇遂爲太學生丁酉鄉試錄遺以手生癰不能到許名重躊躇焉聞後過訪兄入門即詰聯琇不試之故嘆息不置且命出見聯琇辭以不諳禮儀許復召之曰勿衣冠速出吾向

好雲樓初集

卷首

十

有事候一見乃去於是出拜敝衣鬱鬱然爪抓滿面骨立如柴許曰善自期期汝爲文六經皆我註腳也許任滿入京猶記其文語句以揚於吾鄉先達曰是非時手也而又年可畏遇可哀於是京中亦頗知聯琇名丁酉之冬吾家自袁家井移居大士院聯琇始得與翊勛翊華比屋讀書朱夫人鍾愛翊勛翊善聯琇曲爲周旋遂得日入定省母撫育如已出兄亦釋然怡然時嫂陳與聯琇妻孫氏齟齬因轉而善聯琇已亥鄉試報罷庚子與翊勛同舉於鄉辛丑會試被放後就婚於趙七月自京望婦歸除夕前一日兄奉母命突然析爨賣嫂陳及翊華主之也然而斯所與嫂孫及聯琇遂憂懼不克自存朱夫人心傷之病日亟二十二年三月十四日歿十月葬二十三年聯琇選家江聖妻妹入京二十四年服闋考取覺羅官學教習補正黃旗

二十五年乙巳成進士改翰林院庶吉士是年妹適新建勒方
錡二十七年授編修二十八年妻趙氏歿是年充

國史館協修二十九年續娶歸安錢氏三十年充

實錄館協修咸豐元年充纂修二年大考一等第一名擢補侍

講學士充

實錄館總校內閣批本

咸安宮總裁九月扈

蹕祇謁

東陵三年轉侍讀學士分校禮闈署國子監祭酒稽查右翼宗
學光

日講起居注官旋視學福建四年在任晉大理寺卿五年任滿

調江蘇暫留審朱璣控案六年抵江蘇任八年任滿乞假兩月

好雲樓初集

卷七首

五

回籍省墓九年假滿行次蘇州因病乞開缺就醫調理既奉

俞旨遂留蘇州十年避亂從江陰之長涇再徙通州之川港年

四十二回憶鄧師之言恐其早達不事舉業者果不出二十年

前之所料然以不事舉業故得轉心一力於詩古文辭則亦早

達之益也今退矣因刪存生平所作古近體詩為十三卷詩餘

一卷駢散考證各體文十四卷都二十八卷曰好雲樓初集其

幼時撰集句分類四卷四書集腋一卷入京後刪存所作制藝

得六十首通籍後撰賦韻課虛五卷刪存所作律賦得三十首

試帖得百首在館恭校

宣廟實錄全部分撰十二卷總校吏務書未卒業撰沈維鏞傳

一篇在福建任選刻試牘求是在江蘇任撰采風劄記六卷病

退撰治志日錄二卷錄所作檄聯為一卷鑒定師山詩存十卷

今以其詩古文辭付雕曰初集者年與學蓋猶未艾也然而亟

亟者世變不可知恐故業一旦拋失使精神遐漂可惜也先敘

其生平者明初集之所由作也其有憂患乎嗟乎李氏之由來

尚矣遠者不及詳即論始祖以來如松江公之美基筠軒公之

令圖六符公之政蹟亦白公之節行丹臣公之德澤松甫公之

通雅春湖公之望實皆藐躬所踴躍望弗及而仰承恐墜者也然

世變不可知而不孝尚無後又烏知其緒之不自我而墜耶於

是愿溯始祖以來至於藐躬又引而上之溯自少昊以來至於

始祖作敘傳一篇以垂於家以表於世以揭於初集之首咸豐

十一年夏前大理寺卿臨川李聯琇筆於川港之絢秋軒內閣

中書晉封中議大夫海門茅炳文填諱

好雲樓初集

卷七首

五

卷一嘯嘯草 古近體詩八十五首

卷二珠柱草 古近體詩九十六首

卷三珥形草 古近體詩九十八首

卷四辭闕草 古近體詩七十五首

卷五閩傳草上 古近體詩七十一首

卷六閩傳草下 古近體詩七十四首

卷七移旌草 古近體詩七十四首

卷八吳棧草上 古近體詩九十三首

卷九吳棧草中 古近體詩八十一首

卷十吳棧草下 古近體詩一百零二首

卷十一假還草 古近體詩一百零二首

卷十二瑟居草 古近體詩八十七首

卷十三煙塵草 古近體詩一百三十二首

統共一千一百七十首

卷十四詩餘三十一闕

卷十五賦十篇附跋二則

卷十六琴操一首 騷三篇 七嗜八首 雜文七篇附跋一則

卷十七讀四子書四十七則

卷十八讀文選三十三則

卷十九論十一篇 辨二篇 議一篇

卷二十說七篇 書後七篇附跋一則

卷二十一序二十一篇

卷二十二序八篇 贈序一篇 壽序一篇 記三篇附跋一則

卷二十三記十五篇

好雲樓初集 卷首

卷二十四傳四篇 墓誌銘二篇 墓表一篇附跋一則 序贊

一篇 贊五則 箴言九則 銘一則

卷二十五題跋三十一則

卷二十六經問一百五十九道 策問十七道 奏摺并片

十五件

卷二十七書啟三十三函

卷二十八規約一篇附跋七條 雜識五十則

自卷十四至末統共各體五百五十九

好雲樓初集卷一

孤嘯草 自丙申至癸卯

夜讀

讀書事大好我讀乃肯人豈不資講習憂謾將達身不讀人笑
愚一笑置勿論讀之招人忌眾咻日紛紜緬惟古英雄種菜聊
閉門詎期家術間如處濁世渾東鄰有穉子掌珠遜其珍欲撈
水中月母爲置金盆西鄰有壯男督課煩嚴親稍縱已出游動
如追放豚二者各有託教養天地恩未論才不才智愚隨所分
智愚兩不許哀我獨民

一卷背人讀書伏夜方動自嘆形如鼠豈惟請闢草二鼓無人
聲三鼓吟肩聳篇篇長苦漏短布衾且遲擁鼠亦欺我孤綠牀
騰踊無端近燈案急拍使驚悚袂舉忽風生燈滅浩呼洵分光

好雲樓初集 卷一

無別舍安望壁穿孔三嘆出戶庭天垣燦星拱珠斗已翻身東
方欲曉矇矓不趁此時眠曉行人接踵我讀防人知人知我深恐

立秋

涼風洗輕汗書案倍堪親重閣靜無侶一燈寒照人蟬疏露在
腹螢閃火包身秋色藏吟境冥接夜達晨
才庸人漸棄志遠學加難對影如酬友拋書似輟餐蟲聲和漏
聽月色背燈看有感不能寐天涯今夕寒

燈泣

母沒目難瞑兒生顏可嗤夢中還告 母在日杆憐兒失學仍
多病酬恩只後期避人兩行淚輸與夜燈知

怨辭

縱如形影親晦冥影去身而况妾與君能無意區分區分一以

聞權迹日以陳同室爲越秦平地爲荆榛天乎不我惜奪我昨之日莫謂無悲懼白玉有暖寒

書懷十九首

雞鳴太白高人事迫人起晨鐘敲一聲茲爲憂患始我生鮮營擾百慮皆芟除能使終日心長如未曉初

烏兔倏東西天行若旋磨我年日以增我志日以挫回思昔所業不值一涕唾傷哉迷復凶靈沒矯游情朝光海上昇起起毋

耽卧百年曾幾何一半睡鄉過莫打黃鸝兒留驚夢破

世事一棋局黑白分兩道當其酣戰時智者且顛倒局中意羣羣局外心丁了由來息機人超然萬物表

萬事不挂眼興來時飲醇酒是古直友爲人攻隱情能令白髮更化爲孩提眞安得薰流俗都如被酒人

好雲樓初集

卷一

二

結交不識心終非計之上君謂河水堅其下翻潛浪浪翻無已時冰也成流斯君爲踏冰人浮沉安可知世途盡如此慎勿矜

坦衷

塞驢策康莊駿馬驅太行豈伊惜驢力涉艱惟馬良無才果爲福表耀空自殷倉頡造書日鬼物泣浪浪識字混沌死志士神

爲傷我有筆如劍入手森寒芒一發恐鋒折常作鉛刀藏枯桐假道畔雪霰競相侵不知誰采刻作雲門琴一彈復再

彈鳳鳴聞聲至回首拋棄時窮通何迥異豈不感恩情其如不復生朽質長已矣空存身後名悠悠身後名鬱鬱窮途志著書

藏名山本是無聊事

傳說應列星名相固宜爾造父及王良何德亦躋此要知二子功實與名相比冀野產龍媒蹴踏風雲起不逢善御才幾混馬

羣裏善御曾幾人千秋一屈指似茲遇合難神駿將悲死幸當伏檻時天光已下視照我騰驤身冥漠有知己一似熱中人人望三台臺

浩浩長江流不舍一朝啓胡爲江上人數載顏非故去者如逝波來者特倚寓引領望山幻古墳森四布衰草棲青燐沙捲

黃霧九幽開沈沈呼之苦無路彼蒼既生人又不曲相護漆園明壽殤書成且長去君看陶令詩特記莊生墓况彼名利客誰

能挽年住哉此令人悲悲極轉生悟歌哭兩不須冥心與之遇

一雨潏潏鳴空庭生峭寒病客卧牀第嗒然何所歡晨離無迴響盈坎無停瀾榮榮明鏡中日見顛顛顛顛顛復顛領我材休

自棄及茲一息存連踐平生志常作將死觀應無不了事事了即心安修短何足計修能進吾學短可減吾累二者皆天慈自

好雲樓初集

卷一

三

樂有餘地

有無一幻形陶倚未云富生死一浮蹤喬松詎爲壽緣何戰紛紛華利場競改闢縱得頃刻榮無殊馬寄廐且復求神仙靈丹自

補救求緩須臾死終見牛鳴樞眞富不在物其物孰能寇大壽不在年其年誰得究問天天何言范范古今宙

和韻披榮條烈風捲枯葉造物且勢利安望俗情協俗情雖云云君子自守與壘壘千金子出門氣不伸子子一介士閉門身

益尊彼豈因富累有營而智昏此豈以貧驕無求而節存試觀向陽柳折腰媚青春何如松柏樹死抱孤直根雪門有高卧一

世寒者溫從戶有商歌千古護者淳此身卽至寶身外安足論

毋使七尺軀逐腐鳥爲奔會得此中意處樂亦如貧

蓮自污泥生揚芬滿池池樹飲露蟬至潔蟻丸糞壤化蟻人處沃